

193.

Prior und Convent des Augustinerklosters urkunden, daß sie vier Aecker in der Pflege zu Hohnstüdt gekauft und dieselben von dem Spitalmeister zu St. Georg zu Lehen empfangen haben und daß sie die darauf haftenden Zinsen von 22 Groschen alljährlich zu Martini an das Hospital ent-
 5 *richten wollen.* 1433 März 29.

Hdschr.: Or. Perg. Rathsarchiv Grimma. Die SS. des Priors und des Convents (Taf. I, G. 5) an Pergamentstreifen.

Wir Symon Ragewitz prior, Nicolaus Tasche subprior, Iohannes Falkenhayn
 custer, Heinricus Frankow scheffener unde dy ganzze sampnunge *des^{a)}) conventes des
 ordens unde closters sancti Augustini in der stad czu Grymme bekennen —, daz wir
 10 gekowft haben virerleye ackere nach enandere gelegin in der phlege czu Hoenstad
 unserym clostere unde ouch uns czu nutze unde czu fromen, dy ersten ackere wedir
 Heyman Andres czu Hoenstad, doruffe legen seschs grosschen ierliches czinses, dy
 andern ackere wedir Matis Lengenfelt eyn becker unde eyn metheburger czu Grymme,
 uf den legen sechstehalb grosschen ierliches czinses, dy drytten ackere wedir Andres
 15 Fyscher eyn metheburger czu Grymme, doruffe legen seschtehalb grosschen ierliches
 czinses, dy virden ackere wedir dy Hanns Kolschynne vor den Brudern eyne methe-
 burgerynne czu Grymme, uf den legin funf grosschen ierliches czinses, dy wir in lehen
 entphangen haben von deme ersamen pristere ern Pauel Burghard spitelmeister czu sente
 Iurgen obenwendig der brucken an der strassen gelegen vor der stad Grymme, unde
 20 uns dy lehen gethan hat von syner kirchen wegen mit syme bryffe dorch unser bethe
 unde begerunge wille der hochgebornen furstynen frawen Katherinan von Brunswig
 herezogynne czu Sachsen unde marggraffin czu Missin so bescheydenlich, daz wir ym
 unde synen nachkomelyngen alle iar ierlich uf sente Mertens des heiligen byschofs tag
 reychen unde czinsen wullen unde sullen dy czinse, alzo sye uf den geschriebenen ackern
 25 vorczalt sint, dy summa machen czweneundeczwentzik grosschen, ungehindert unvor-
 czogentlichen an alles geverde ane allen intrag. Ab es nū wurde adir queme, daz wir
 dy ackere nymme haben welden unde ab wir sye wedir vorkauften, so sulle wir dy
 kaufthue wedir an en ader an syne nachkomelinge wysen, daz sye dy lehen entphan
 von der kirchen wegen alzo wir gethan haben, das der kirchen czu sente Iurgen nicht
 30 hindernisse nach invelle werden er czu schaden. — Geschrebin — nach Cristi geburthe
 firezen hundirt iar darnach in deme drye unde dryssigesten iare am suntage vor palmen.
Zeugen: meister Heincze Tyscher czu der czit eyn bumeister in deme clostere unde
 m[e]jster Wenczlaw Lutzman korsner metheburgere in der stad czu Grymme —.